


EX LIBRIS
ILLVSTRISSIMI VIRI,
DN. DAN. LVDOLPHI,
LIB. BAR. de DANCKELMANN,
S. REG. MAI. BORVSS. CONSILIARII
STATVS INTIMI, cetera,
BIBLIOTHECÆ ACAD. FRIDERICIANÆ
TESTAMENTO RELICTIS.





38. 49



Fr.

T A U B M A N N I

Fr.

Lusus duo juveniles.

M A R T I N A L I A
&
B A C C H A N A L I A.

Gelasimus:

*Jocos ridiculos vendo: agite lice-
mini.*

V V I T E B E R G A E

Ex officina Zachariae Lehmanni,
M. D. X C I I.



A N S E R E M

hunc

M A R T I N A L E M

vobis dedico,

Nobiles, spectati & eruditi

C O N V I C T O R E S.

ita dico,

V O B I S:

Qui etiam ex iis estis, qui miserum hunc SOCIUM,

Causà nondum dictà,

lite nondum contestatà,

strictis heri telis mecum adorti fuistis; pul-

sastis; occidistis; deglubistis; de-

glutivistis.

Quid meriti sumus?

Hen. Rentere

judicato.



LECTOR,




Vdi. Credere si voles, quod audis,
Exesto. cave, si qua credidisti,
Mox de credere cogeris. profectó
Meras fabulor heic inanitates.
Idque edico prius. cavebis ergó,
Si ridere nequis. cavillorum
Sunt praeludia: sunt facetiarum
Seminaria. præter ista, siquid
Speras, falleris. Vnicum hoc volebam,
Et vos carminis architecti, ad unguem
Ne quæso, omnia præsecate. lusi.
Lusi ætate juuenculâ, mearum
Ductu & auspicio Columbularum,
Simplex carminifex. severiori
Lusum hunc forsitan expiabo versû,

Qui pro tempore dicit, apta
dicit.

A 2 MAR.

MARTINALIA.

 **O**ME jocosè, meos nunquam frustrate
vocatùs,
Da mihi te socium scribundis versibus.
hec dum
MARTINALIA, dum licito GANSALIA
risù

Hac mecum experior juvenis. frons dura Catonum,
Et personati fastùs, curaq; sequaces;
Et quicquid dare latitia se nescit, abesto.

Sed jocularia sunt. qui vult, huic seria sunt,
Vera itidem. quis enim ridentem dicere verum
Posse neget? sed ut sit: rem (quia digna relatù)
Narrabo, ut facta est. aureis adhibete vacivas.
Siquis erit risus, licet hunc compefcere mappà:
Hac quoq; si lacruma. miscentur tristia letis:
Nunc soccor res digna venit, nunc digna cothurno.
Sed mihi cum venià hoc juris date, liberius quid
Sique jocosius heic dixi: pro tempore dixi.

Sol ubi, decliveis mundi qui temperat horas,
Cum pecude agricolas extremo clauserat anno:

Jam-

Iamque niveis glaciabat hyems : jam stiria barba
Frigoris e coitu crepitabat ob ora colono :
Tityrus uxori pro re sic fatur ad aurem :
Bauci vides, mea Bauci, ut sit fortuna ! gelatur
Acriter : hoc primum. dein & vehementer egetur.
Tu nuda a tunicis, solitoque ego nudus ab aere :
Vixque operire potest pannucea filia cluneis :
Vixque fenestratus, nec vix, pede calceus haret :
Frigusq; accessu mordacius urit in horas.
Nec qui his occurri possit, liquet. o mea Bauci,
Quid sumus acturi ? secundum concute pectus,
Et da consilium ; quo docti armemur in hostem,
Qui jubet exsutos numis amicire lacerna,
Quod me consilium, vetula inquit, Tityre poscis,
Ecastor nihil est. nisi enim argentarium utriq;
Suppetit auxilium, frustra conabimur istam
Bruma savitiam nostro defendere tergo.
Tityrus huic, Audi mea Bauci : occasio praesto est
Vnica, qua tandem gelidos exsculpere dentibus
Fas hyemi fuerit : ne nos ita mordeat ultra.
Nosti illam, Bauci ? Non pol, mi Tityre, novi :
Planipedes nisi forsitan arves animo innuis : ipsas

A 3 Has,

Has, inquit, volo; Et è numero hoc portabo sub urbem
Venaleis septem: quum Martinalia nobis
Annua jam referat series, veniente Novembri:
Inde domum cervice levis, gravis aere revorsus
Gausape te Bauci, Et gnatam per one gemello
Protensus armabo; quibus acreis frigoris ictus
Protelare datur. Fundo spes omnis in hoc stat.
Si decollabit: de nostris frigora collis
Ludent Francoi, propter juga vitea, caeli.

Sed melius res, spero cadet: quamq; ipse mihi spem
Fingomacram, poterit (.quos cras exponere vanum
Collibet.) anseribus supra pingvescere votum.
Nam me, qui mores nunc sunt, minimè latet: harum
Quàm cupidi rerum sint hanc aetate supini
Urbicole. Pol turba beatula, vecta per urbem
Pensilibus plumis: tantumq; operata palato!
Nec varicosa minus cupidi gens centurionum,
Qui nos ruricolae vaccinum sterco olenteis
Sapius invadunt condignis Hercule dictis.
Hi spargunt jam: Heus rustice, rustice, ubi anserem?
ubi? aequè,
Ac si tantum sint ad Martinalia nati!

Hoc

Hoc dicto adproperat cortem cum corbe loquacem.
Nil super his Baucis, nisi quod, stans in fore, clamet;
Tityre, ne corbem digressus in urbe relinquant.
Mox legit hic septem, quos numata inferat urbi,
Objiciatq; ira ferroq; igniq; magiri.

GANSAE ubi senserunt, quò res casura sit, omnia
Obstupuit subitâ confusus imagine rerum
Caelus, & obtutus tacitus stetit, ipse suimet
Immemor. Ut primum licuit fari, incipit una
E numero hoc: & suspirans lacrimabile, fractâ
Voce quirit anteis hos ructat ab ore sonores:
Tityre care, tibi quoniam fors jus dedit in nos,
Vtere sorte tuâ: nec te accusamus iniqua:
Festum MARTINI est, quod nos vetat esse beatas.
Sed, tibi si grati quicquam unquam fecimus; aut si
Posse putas fieri; quum te grandi are beamus:
Si non indecores villa, aut tibi viximus; oro
Per te, per, qua nos rapis uberrimè & herbis
Baucin, alit: breve quid socios da colloqui: & illis,
Id quod & ante annum licuit, valedicere saltem.
Annuit. extemplo videas facto impete, circum
Colla catenatis amplexibus indulgeri.

A 4

Tan-

Tandem ex his, animus cui tunc praesentior, agras
Adfatur lacrumans: Quid nos tardatis eunteis?
Non opus auxilio est: nec defensoribus ullis
Tempus eget: non, si ipse Pater nunc adforet Auca,
Instanti posset miseris exsolvere casu.
Nec locus heic fabricis, nec fraudi, aut artibus ullis:
Nec nos ipsa Salus, hoc si vel maximè adoptet,
Conseruare potest. Sic sic cadit alea fati,
Cui nos subicimus. Cum dis pugnare, nefas est.
Hau! luctu lacrumisq; breuem concedite pausam,
Auritasq; mihi date vos: dum nostra retexo
Fata Sophocleis non infer iora lucernis.

Venit summa dies, & inevitabile punctum
Temporis: inuisas quo nos MARTINVS ad aras
Destinat, atq; hominum barathro committit avaro.
Principio, cum jam pro more venimus in urbem,
Civicus extemplo pauxillo praestinat are
Expositas vanum: sublatae fauce retortâ
Tradit inhumano, tali cum voce, Magiro:
Tolle: neca: coque. nostri hodie hac sit prada palati.
Fungitur hic iussis properanter herilibus, & se
Grato operi accingit: ramenta q; plumas plenis
Despoliat

Despoliat digitis, à collo ad podicis antrum.
Post ubi de plumis sumus involucre, cruentà
Stirpitus abruptit caput à cervice securi:
Iuncturisq; pedes medios distruncat; Et alas
Rumpit: cumq; albo cunctos exenterat artus:
Mox calidis mersantur aquis in gloria membra,
Volunturq; revolvunturq;: probeq; lavantur:
Ne quid rus sapiat, nareisve offendant acutas.
Hinc vice vibratà trepidantia viscera raptim Gestus
notatio
Disiliente securiculà manus utraq; certat
Dilaniare foco. quibus inter se ordine mistis
Conficitur farctum: quod vulgo ANSERCULUS illis
PULLUS seu PARVUS, Gentis pro more, vocatur.
Deinceps perpetui violentà cuspide ferri
Transadigit coctas mutili sine nomine trunci:
Admotumq; rogo volucrum compellit in orbem
Ludia continuo rediens structura rotatu:
Perfidus Ixion quo more rotatur in orco.

Sed prius interior ventris spelunca repandi
Ingenitis spoliata bonis, mendacibus extis
Farcitur mactè: Pro corde Cydonia poma,
Cotona pro jecino: pira pro pulmone: nucesq;

B

Cast-

Castanea stomachi vice sunt: & totius instar
Visceris Artemidos jucunda fruentibus herba,
Dumq; ita torremur, pueri certante cachinno
Adfectos ludunt: & acerbant voce dolores:
Inunc, & tostus lege, garrule canior, avenas!

At tibi pro scelere hoc, & tam crudelibus ausis,
DI, si qua est caelo pietas, qua talia curat:
Si qua penes socios vindicta flammula nostros,
Dignas persolvant grates, & praemia reddant
Debita: qui crucias adeo nil tale merenteis:
Insuper & nostris audes illudere damnis: (nobis,

Quid, Coce, peccatum est unquam, Coce barbare,
Vel modico scutica tantummodo verberare dignum?
Vnius culpa, Fratres, arcessimur omnis
Posteritas: hujusq; odij una atq; unica causa est:
Quod nostro indicio MARTINI innotuit astus,
Quum vellet pactam sibi declinare tiaram.

Hinc & adhuc tanti sunt semina tanta furoris:
Cum tamen impulerit nos non mens certa, sed error.

Credo equidem, sana si vel semiuncia mentis
Posset in humano reperiri corpore: si vel
Graii animi mica, ingenui si gutta ruboris:

Haud

Haudquaquam nostro generi tam dira pararent.
De nihilo est, Roma vigili Capitolia cantu
Conservasse olim: nihil est, dare culcitram ab ipsa
Corporis hac nostri lana interiore referctam.
De nihilo est, Scribis; nihil est & vatibus ipsis,
Vatibus & scribis nihil est, inquam, edere pennas,
Pennas charteolo facileis decurrere campo.
Penna beat caelo: penna est, qua curat, ut ausit
Postuma posteritas factis clarere parentum.
Penna suis humeris, nullis adiusa gigantum
Viribus, in nostras magno conamine terras
Intulit & Latias & Cecropis intulit urbeis,
Mixtaq; Chaldaeis recutita moenia Gentis.
Sed nihil est: nihilq; minus si quid potis esse.
Omnia sunt ingrata: nihil, fecisse benigne, est.
O mores! o tempora! qualis (Iuppiter!) aetas.
Nempe Lycambeis & Thuscis digna libellis.
Et II, ἐς κόρακας, quis non clamaret, & ignem,
Vir bonus: insonti cernens tot iniqua parari;
Nec prius auditum, nec dicta occidere caussa?
At dignum his facinus, quibus est pro jure palatum.
Felices nimium, quas primo in limine vita

B 2 Martius



Martius infestam lupus ore immerfit in album!
Ne tot probra hominum, ne tot tormenta coquorum
Auribus audirent, exantlarentq; ferendo:
Ille morte citâ, nos lentâ morte necamur:
Ille unoq; eodemq; modo, nos mille perimus.

Sunt tamen haec tantum, Fratres, elementa laborum
Quos exantlandum est. longe his graviora supersunt:
Qua prius expediam, quam cadimur hostia, vobis.

Cum jam vesani requieverit ira Magiri
Exsaturata malis, usq; ad fastidia, nostris:
Concinnat grandem fabre q; paropsida factam.
Nos super imponit medias cervice supinâ
Ampliter, ut cana pompamq; caputq; parata.
Hinc atq; hinc lauto nos pulpamenta paratu
Dapsilium rerum stipant, velut agmine facto:
Lixaq; , frixaq; adipato clune columba:
Pernaq; : pulpaq; turgiduli petasonis: & armi
Avulsi leporum: merula: & , qua pectore tantum
Ac cervice sapit, fluvialis anas: & obesa
Conditi sale terga suis, cum segmine carnis
Altilium quocunq; : prout vel copia cuiq; est,
Vel convictores: vel prout est a-sue-factus.

His

His concinnatis, dectâ elevat arte catinum
Cincticulo femur & collum præcinctus agaso:
Ac graphicè incedit, ceu sacra ferat Iunonis.

Ipsi convivæ modo nato more Tudesium,
Magnificè patricèq; sedent longo ordine circum:
Adductæq; sedent umbra, estricesq; ministra.
Iurares, mappas posse hos glutire manusq;
Qui cupiunt omnes spoliis se pascere nostris.

Tunc demum verè lacrumosa tragedia cœptat:
Tunc demum nostrum primordia simpla laborum
Dixeris illa, prior quæ in nos tulit ira magiri.
Tunc demum, quantum est, sumus occisissima turba.
Vah! jam nunc mihi met formido: jam mihi tergum
Prurire occęptat! videor sentire dolores (tres.
Corpore, mente animi quando hos mecū exputo, Fra-
Va miseris cultris: miseris va dentibus, omnes ^{hindern}
Qui miserè in nostro patientur tergoꝛe damnum! ^{sich.}
At cancellatis digitis prius unus in illis
Divinum Numen votis adit: ac prece pæces
Exposcit, pavidi similis: vultuq; severo
Verba sonat propero contortuplicata rotatu.
Ac si gauderent DI tam crudelibus ausis!

B 3

Hoc

Hoc factò, parochus certamen cernier instat,
Nosq; minutatim contruncari ordine sueto.
Cunctantur pariter ridentes: nemo videri
Vult, ut qui socio tantum rapuisset honoris.
Eligitur tandem, cui mens presentior, & qui
E numero ante alios immanior. hic vaginà
Lautulus argutum procerà cuspide cultrum
Liberat, irruit, eripit: Et super impendendo
Nunc alam, nunc armum, nunc crus dimidiatum,
Nunc levam, nunc dextrum, nunc crus dimidiatum,
Nunc levum, nunc dextram imo radicitus ortu
Exsecat. Inde manu truncum disrumpit utraq;
Fervidus: & patinam fucatis obruit extis.
Plaudunt conviva nonne hic homo doctus & acer?
Nimirum lepide minimo discrimine novit,
Quo lepus atq; anser quo gestu perna secetur
Hic struëtor, meritò cui cedere debeat omnis
Pergula, cum Latiis Tripheri Doctoris alumnis!
Si quid peccatur, si non ritè omnia fiunt,
Stridere secretà divisos aure susurros,
Vicinum cubito vicinum impellere: & Euge,
Ingeminare, vides, obliquo non sine risu:

Atq;

Atq; reum ingenti mulctari saepe culullo
Evacuando uno ductu flatuq; retento,
Centaureorum Lapitharum more bibacum.

Postremò fervore pari furit omnis, & ardent
Dissectas stricto parteis invadere ferro;
Hic armum, hic alam, hic clunem, ut sua cuiq; lubido
Eripit: hic aliis alia haud poscentibus offert: (est,
Qua frustillatim in frustilla minutula findunt,
Orig; immittunt: dentiumq; reciproco utrinq;
Verbere comminuunt magis ac magis: usq; adeo, dum
Quicquid ab anseribus superat, mersetur in album.

Hæc sunt, Fratres, ubi Martinalia vivit
Humida gens hominum vinosam ad Francida. Verū
Quaritis, An nemo quisquam, his immanibus ausis
Indoleat? nemo. dolor est, non pluribus istud
Posse modis fieri; dolor est, non sæpius anno:
Carnificesq; optant tales fieri omnibus horis.
At nostro ex usu est, quod non damur omnibus horis.

Interea verò non otia sicca sequuntur:
Sed germanizant magno conamine: limum
Seriola veteris deradunt: vina coronant
Anseribus saturi. Tenet insatiabile cunctos
Potandi cacœthes, & arido in ore senescit. Ple-

Plebejos calices atq; emptos tresse minuto,
Conchasq; & Cyathos, & pocla minutula Grajum,
Roranti cupidum remorantia fauce barathrum
Commendant medicis: & qui, ut procius ille Terent I,
Pitissare solent, rareq; invergere parco
Gutture Lenaum. Ast ipsi cratere capaci
Herculis in ritum totisq; trientibus hauriunt.

Omneisq; haud eadem delectant vina bibones:
Sed poscunt vario multum diversa palato.
Hic mustum sitit: hic hornum: magis appetit alter
Rhenenum; cupidus veteris magis ille vetusti est:
Hic sitit indigenam: magis hic citra mare natum:
Hic nymphis jugulatum: hic vinum dentibus orbum,
Scilicet elisis ævo, ut sit mite bibenti:
Ille merum vinum, fuit ut de matre creatum,
Sed tamen omni Cos (. Color ac Odor ac Sapor.) insit.
Quis Cos hoc dixit? Quis, nî gens dia pœta?
Edepol argute! Quid mirum? arcere profanum
Atq; odisse jubent non abs re vulgus. Et addit;
(. Semper enim sermo prior argumenta futuro
Suggestit.) Est quidam, quem tutò dicere non est:
Tercentum is versus procudit stans pede in uno.

Prò

Prò superi! Hospes ait: Nonne hoc est esse Poëtam?
Versificatorum hunc potius de fursure dicas,
Respondet genij melioris provida proles:
Hi sunt ex triviis qui argutant verba petendum,
Queisq; BONUS VESPER DOMINE HERMAN, semper in
Et Musis tamen & cedro se digna locutos: (ore est.
Sicq; sua adpingi vatium ALBO nomina credunt.
Qui cascum omne vocant Saturni ex podice, quicquid
Ipsis non intelligitur. Verum optio detur
Si qua mihi: sceleras, Bacchi pro flore, lacunas
Sorberent, doctis qui vatibus absona dicunt
Cum matre Evandri; At qui ex face vocabula sumit,
Venaturq; levis stolidi suffragia vulgi
Insipido versu & per humum repente, quid optem?
Ferte citi scalas, date funem, pendeat; ut sit
Carmine non tantum: sed toto vertice supra.
Rident conviva. Hic pergit: sic esse Poëtam
Atq; poëma decet: Sermo sit purior auro:
Nec nimium veter aut novus: omni labe solæci
Expers: non calamistratus, nec inania turgens.
Non tamen elumbis: plebejam aut serpere tantum
Doctas humum illepido gestu: & suspendere frustra
C Auri-

*Auriculam tentans lectoris: sed tamen audit
Hic benè apud Francas aures. Quid pluribus aures,
Alter ait, Francas; potius mera Franca referto:
Et jubet Herculeum impleri à Ganymede culullum:
Corporeq; eminulus paululum scit à arte propinat Gestus
notatio
Collega, arguto supplantas verba palato.
Dicere enim non est, quàm scitè scita sit harum
Futilium rerum decoctrix turba taberna.*

*Adsiduo hortatu Cane-pater instat: Et, Este
Este, inquit, lixum, frixum, quodcumq; palatum
Quodve lubido jubet: sodes potate, Quid hoc est?
Certatim properent reducem data pocula in orbem,
Bacchica pocula: terrestreis sine sanguine cenas
Rustici edant: potentq; liquorem, quem bibit Anser.
Ne quis de mensà sese auferat: aut sibi parcat.
Donec tam madidè madeat, quàm Iuppiter udus,
Si pluit: aut musto si spumant prela falerno.*

*Tityrus hinc properat: via longa: ego fessa: Valetè:
Et nostrum memores estote. Aliquando miserta
Nostra pœtrices lugebunt fata C O L U M B A E.*

F I N I S.

BAC

BACCHANALIA

dico destinoque

Trigæ Nobili,

VVOLUFGANGO,

SIMONI,

ABRAHAMO,

}
|
|
|

Händln.

Austriacis.

CONSORTIO

item

Spectato, liberali, erudito:

D. D. D. D.

HENRICO REUTERO, de Summerfeld. Sil.

HENRICO CHRISTELIO, Vurat. Sil.

MARTINO ROSENBERG, Dantisc. Bor.

IOHANNI STEPHANI, Francof. Vuetterau.

amicis & consecratis,

Vos ea, per occasionem, videte: immò ridete, aliter enim Bacchanalia non constant hodie.

Et vos hic risus fortassè in seria ducet.

fortasse autem? immò verò planissimè. Profuit cum Syrisco Comico in huiusmodi patinas, tanquam in speculum inspicere: & quid vitatū factūq; sit melius, etiam inde dignoscere.

C 2 LE-

LECTOR;

Sic est. iucunda flores mihi ver adhuc iuventa,
 Et cor jocos idoneum. jocabor ergo
 Dum licet. irrediviva volat (. viden! .) hinc dies iuventa,
 Huc cana cras anilitas. secretam & ipsa
 Gannit in aurem Mors, & spem vetat inchoare longam:
 Quem dat dierum cunq; fors, appone lucro,
 usq; monens: post cras duo vel tria iter tenebricosum
 Profectus intendis; ubi pernegant Poëta
 Quemq; redire. Sed haëtenus. hinc procul hinc velim tripars
 Crumenimulga natio cedant danista;
 Quois, auri nisi tinnitus, queat excitare risum
 Res nulla. vosq; semper austeri Catones,
 Quos neq; Comus, & ipsa Lubentia non lubentiores
 Concinnet: usq; fite & usq; estote tristes.
 Siqui a curâ te recreare voles, agè aucupatum
 Huc auribus veni voluptatem vacivis,
 Nempe sapis, qui calles tristia temperare letis;
 Condire curas hilaritate. Ergo paratum
 Si quid habes gaudere, agè gaude, & usq; ride
 Mecum, creat vel mille mortes ante mortem
 Mærens cura. Hæc causâ ridiculi jociq; dixi.
 Mâlis nec alienis ineptum riserimus;
 Quando vultum a tempore sumimus ipse, tuq; & ille,
 Qui Teutonorum BACCHICOS ridemus ausis.
 Sed de me ut loquar & versu: lacero hæc neq; impeto ullum
 Mordace dicto. risione, more Flacci,
 Admissus circum præcordia ludo; ledo nusquam,
 Ledt nisi a me somniet, cui frigida est mens.
 Sicubi sum visus morsum meditarier, remulcens
 Quam mox repente lingua eundem temperavi.

B AC.



BACCHANALIA.

S Cilicet ingenteis crispanti nare cachinnos
Ingeminare lubet: dum verni circulus anni
Illud Germanum BACCHI solemne reducit.

Maxima mira cano, sed maxima vera. Etenim,
Mentiar, haud video, cū non sint premia falso. (quur
Ridendum certè est; si muta silentia nobis
Ipse vel Harpocrates objecto pollice mandet.
Ridendum & crassum est; si mœstus Crassus, & huius
Ære nepos dives, condensi grandinis instar
Certatim injicerent nostris auri oribus offas.)
Atq; ubi ridentes vos concinnavero, risu
Effundam: nam sum petulanti splene cachinno,
Democriti ritu. Et mihi quei moderatio risus
Ulla sit, insipidos hominum quando exputo mores,
Quis hæc decoctrix atas delirat in orbe?
Materies risum fecunda occurrit ad omnem,
Præsertim hoc lucis. Tremulos impellite lumbos:
Et mecum effuso rictum diducite risu.
Quod licet Abdera, nobis an turpe putandum est?
Accingor. tanta si qui cognoscere fama

Expetitis festum, priscorum imitamina patrum,
Huc sitis properè, redimite quassa corymbis
Tempora: vos ducam auditum visumq, quid id sit.
Et tu cum primis huc EVOE BACCHE venito:
Seu mavis Bromius, seu mavis Evius Evan,
Seu vis Ogygius, seu vis audire Thyoneus:
Accelera bijugum pictis insignia frenis
Colla premens lyncum, maculosaq, terga repexi
Pulcrius elato surgant ternone jugales.
Tota tibi est hodie Germania: se tibi dedit:
Tota tibi insanire cupit: tibi cymbala quassat:
Lata tibi gratos ululat per compita cantus:
Dat motus, ac colla rotat, spargitq, capillos:
Tota tibi, BACCHE est, exsuta hominemq, decusq.
Sed quia potor aqua nil cantat Osyride dignum:
BACCHE, tuo vati in vergas cratera sub oras
Conferctum summas vino quod murice certet:
Hoc ego dum carmen juvenili bacchor hiatu.
Tu pagi interea cultor, tuq, urbice, vinum
Dum bibo, frudenteis madidis innecte corallas
Postibus, & densos per limina tende corymbos.
Festa corymbiferi celebramus mystica BACCHI
Tento.

Teutones, antiqui simulacra notanda furoris:
Primitus à Baccho qua BACCHANALIA nostri
Dixerunt atavi. Sed si qua audacia verbi
Dicturo detur, málím FURIALIA dici.

A Rure ordimur. ne vobis, quæso, pudori
Illustres anima sit, jam cessisse colonis:
Quondam & rusticitas, cur sit veneranda, meretur.
Postquam nox acta est, anteit qua proxima Festū;
Nec tota acta tamen: verum illud temporis instat,
Quod tu nec lucem, nec posses dicere noctem:
Sed cum nocte tamen crepera consinia lucis:
Rustica anus Spatule, mediis cui naribus ingens
Gibbus, & acre malum semper - stillantis ocelli:
Tristia venturi metuens incommoda Festi,
Membra levat prior horridulo demissa grabato;
Exploratq; manu præcuncti cauta tenebras;
Hesternaq; focum servantem semina flamma
Vestigat: sed nulla super sunt semina flamma.
Iccircò abstrusum ferro sibi protinus ignem
Elicit incussu silicis, pronamq; subinfert
Cernua candelam, stipulasq; humoris inaneis.
Atq; animat placidis moribundum flatibus ignem.

Iamq; foco instructo succendit sedula lychnum.
Oppositâq; manu tremulum defendit ab aurâ;
Ac reserat notâ, qua prævitet ostia, clavi.
Hinc sibi depromit florem similaginis, illum
Album, emendatum, & vacuum purgamine crasso;
Provida quem pridem taleis servarat in usûs.
Addit & ova, addit lac: & inde revortit ad ignem:
Concinnatq; ingentem ingente capedine lancem.
Ova aperit suibunda manu: contemptaq; passim
Spargit humi, atq; abicit: similam lactusq; liquorem,
Atq; aliquid mellis (.rem si bene nosco) salisq;
Inspergit micas. geminos mox veste lacertos
Liberat, & tunicam contracto crure cœercens
Miscet opus cochlearis ope: immistumq; retractat
In gyrum properante manu. quo singula formam
Deperdunt solitam, faciesq; è pluribus una est.
Tunc demum digito rorante paropsida totam
Circumit: ac massam distantia cogit in unam.
Interea primo feriente cacumina sole,
Exclamat; Mycale Mycale: qua est unica custos,
Torta comas: & rufa genas: & turgida cubum,
Dextrum lusca oculum, & laevo prope inutilis ipso:
Pectore

Pectore lata: jacens mammis: compressior alvo:
Cruva tumens: femora exilis: pede prodiga, quique
Continuis rimis calcanea fissus hiabat.
Hanc vocat: atque armenta jubet curare: domumque
Vasaque; et in mundum promptè dare cuncta nitorem.
Inprimis tamen ante fores discrimine puro
Area deposito squallore superba nitefcet.
Dum Mycale hæc curat: Spatale non segnior instans
Cæptum fingit opus, fermentaque depsita palmis
Diducit: partesque facit: formatque placentas,
Non unis, sed mille modis, sed mille figuris.
Si numerem: numeros transcendet copia nostros:
Nec mihi tot corbes, quare non metior illas.

At postquam Eois caput eruit altior undis
Phœbus: et octava jam linea tangitur umbrâ,
Grex minimus patrii convicia garrula tecti
Emergit plumis: jamque ad nova farcta catini
Et calidas circum palmis plodentibus ollas
EV OE BACCHE sonant: His solus Bacchus in ore est,
Causa placentarum, et tam grati muneris auctor.
Nec modus heic epulis. Stant plura cibaria, plures
Lautitia; petaso; veteris succidia porci;

D Armus

Armus ovillus; perna suilla; tomacula; sismen;
Sesquipedem prelonga etiam sarcimina: & horum
Plurima, grata esu; sed non ita grata relatu.
Privatis majora focis hoc omnia festo.

Heic pauper nemo est: heic victitat ambitiosè
Cornibus impositis cum divite pauper in horam.
Quiq; nigrum, & solida quoq; mucida frusta farina,
Quæ genuinum agitant solitum prohibentia morsum
Sapè in delitiis habuit pater esuriei;
Carneq; tantillâ requiescere ventris orexin
Non timuit, toto nec scivit vina Decembri,
Nec crassâ rigidum potuit defendere frigus
Cannabe: nunc lautè vestitus inambulatur: horum
Indagat vinum per Bacchica fana, tabernas:
Deproperat variis stomachum laxare saginis:
Est panem niveum molliq; siligine factum.

Jam scio, dicturus quid sis, Nimis avia vero
Narras, & quæ testis egent. Dubitabile verum
Hoc tibi ne fuerit, Taubmanni juro Columbas,
Et ventrem BACCHI, quo non presentior ullus
Nunc deus apparet, tam me tibi vera referre,
Quam veri majora fide. Nonne hoc satis? Aut si
Mentiar

Mentiar, & nasum & barbam pulve inquinatâ:
Atq; merum atq; placentam hodie potum atq; voratum
Sublimis rapiar saturas ad divitis edeis:
Nec, nisi sat madidus, nisi sat satur, inde revertar.
Hoc mihi supplicii, male si quid mentiar, opto.

E diverticulo redeat narratio. cum Sol
Præcipites cœli parteis, obitûsq; supinos
Iam petit: & vesper commutat primulus umbras:
Vecordi demum juvat insanire furore,
Atq; omnes fatui numeros parteisq; tueri
Publicitûs, privo dudum estuat angulo: & ecce
Ebullat subito, cui mens vesanior unus
Oblitus decoris larvâ oblitus ore pudendâ,
Membrâq; monstrificis obnuptus cetera formis.

Quis sua Democritus non rumpere't ilia risu?
Cunctis clamaret succis opus esse Melampi,
Et tribus insuper Anticyris, totidemq; Galenis?
Humani generis mores tibi nosse volenti
Sufficit una dies: sed longum: Hora una docebit!
Namq; homines faciunt hodiè (res mira!) quod ipse
Non sani esse hominis non sanus juret Orestes.

Totus inequaleis habitûs indutus ab imis

D 2

Talo-

Talorum nodis supremum ad verticis orbem:
Corticibus frontem obseptus malasq; comasq;
Adspectu horrendis; Et formis mille colorum
Distinctis variè: quos augur in omina vertat:
Exsurvis scapulas hirtis taurive capræve;
Aut fœdâ, aut ruptâ, aut consuto vulnere crassâ,
Nec non inversâ, insolitoq; colore lacernâ.
Induvias aliis, quæ crus esse incipit, Et quæ
Turgida nervosus facit internodia poples:
Inferiusq; abis. vestigia nuda patefcunt
Alterius pedis; at crudus regit altera pero.
Omnia semilacer: cento heic hiat, aut hiat illic?
Cento alius rime informem contexit hiatum.

Nunc alio atq; alio se format Et alterat usu:
Semivirumq; nurum, nunc seminurumq; virum se
Mentitur: nunc vir totus: nunc femina tota est.
Nunc juvenis saltu per apertum vitulat agmen:
Nunc equitem similans positus sude, proflat anhelum
Spiratum, Et ad numerum rapidus citò colligit ungues
Fictitios: gyrumq; legens properanter ineptit:
Nunc fingit senium, rabiosa silentia secum
Qui rodât, mentoq; solum prope verrat, anili

Se

Se portans ferulà multum similem ruituro:
Impositis capripes nunc Faunus cornibus exit:
Pallenti musco nunc totum corpus obumbrat:
Nunc claudus sutor: nunc grallatorius exit:
Nunc mirmillonem, nunc exprimit ille subulcum:
Siramineo totus nunc errat operatus amictu.
Nunc. Sed quid frustra circumvehor omnia verbis?
Dixeris è stygiis monstrum huc venisse cavernis.
Namq; (.sit exemplis rem fas aquantibus uti.)
Omnia Sattanico Proteo usq; simillimus Orci.
Nullo quippe alio vincit discrimine, quàm quod
Hic corpus verum est, sed corporis alter imago. (fletu,
Mirum, inquis, narras! Mirum nimis. Et magè
Quam risu dignum, inquis! verū. At Democritos nos,
Non Heracleitos aut Crassos esse, putato.
Si benè me novi: si vos quoq; me benè; tui o
Credite, me folium vatis recitare Sibylla.
In vacuum erumpit, quasi agat manifesta phrenesis:
Prodigiūq; quid instar habens, & concius cestro
Dat saltus. dat gyros. dat cursus. dat orantibus
Complosis gestibus manibus. fanatica colla
Iactitat. & populum risu quatit. insimul omnia

D 3 Scur-

Scurratur sibi vicatim per compita pagi:
Seq̄ parat stolido metuendum reddere vulgo,
Indomitos veluti gereret sub corde furores.
Insequitur nimbus puerorum: effertaq; totis
Agmina densantur vicis. Coit omnis in unum
Pagus. Ceu quondam si fortè poëtica surgit
Seditio, & rabies subito pagana tumescit.
Statannus & Stiphelus; Labrax, Gelasimus, Epopeus,
Mopsus & Eumolpeus; & cum lusore catello
Ascalaphus, multisq; tumens ridenda placentis
Ora Malistophagus, cum Ludio Ophelte Philythlus,
Nyctilus & Corydon: Lycidas & Grillus, & Henno:
Malticus & Capaneus: Halys ac Manducus & An-
Cotilus & Capito: puer Asthac & puer Idas, (thrax:
Idas barbigeri dominus gregis, Asthacus horti:
Strabax, Stratillax, Sceparnio, Dordalus, Harpax:
Morioq; & Molpeus, atq; his adjunctus Enipeus:
Atq; alii multi, quos fama obscura recondit.
Hi quacunq; via monstrum institit iste, sequuntur:
Ac pagum incendunt clamore. exercita pulsu
Concava tecta sonant; clamosum Stentora quemq;
Vincere jurares reboanti gutture. Ad ipsum

Scandit

Scandit siderium fatua acclamatio cœlum.
Ille oculos in se convertit, & implet hianti
Monstro omneis. tantum grassatur limite curvo.
Nunc fugit in spacium, nunc decipit ora sequentium:
Nunc redit in gyrum, vult ludi & ludere turba:
Vult modo deprendi, modo se subducere furtim.
Turba instat, magniq; inhiat clamore protervas
Intentare manus: Huc huc properate frequentes
Curriculo: nunc nunc; heic heic, quem quærimus, heic
Phy! Eleleu! Eleleu! Heu hoë heu hoë frementes; (est.
Tantum Eleleu, Eleleu, heu hoë, heu hoë boantes.

Effusi cunctis matresq; senesq; fenestris,
Vernalisq; cohors pinnas & tecta domorum
Obsedere. alii tumulis sublimibus instant
Larvatum digito monstrantes indice Monstrum.
Grex trimus, quibus angusta sub pectore vires,
Excursus tentare brevis a limine; tutos
Quò citius possint, re urgente, redire penates:
Multumq; elato clamantes murmure mum mum,
Secura absenti faciunt convicia monstro:
Si venit hic propius, mox illi currere in ades.
Iste aliquantillum huc it, & huc it, nullibi certo

D 4

Tra-

Tramite. adinstat agens condensato agmine vulgus;
Hosq; aditus, jamq; hos aditus, omnemq; pererrat
Undiq; circuitum: furtoq; obrepit & astu.
Ille ubi presentit fraudes, citò fuste colurno
Retrò agit incassum conatos. Turba vicissim
Evoë bacchantes Evoë capita inflectentes
Acrius irrumpunt. Non segnior ille ruentes
Rejicit, & cuneis adigit dare terga solutis.
Qualis ubi alterno procurrrens turbine Nereus
Nunc ruit ad portus, rupesq; superjacet undam
Turgidus, extremamq; sinu perfundit arenam:
Nunc retrò ruit atq; astu revoluta resorbet
Saxa, vado terras iterum labente relinquens.

Hinc nactus spacium, detractâ veste, patenti
Clune, supercilio clivosi tramitis, ausu
Incubat abnormi indicens certamina ventri;
Ac foetum oblonga fumanteis tornat in auras
Turricula similem; cuius nomen mihi nuper
Excidit: & circumerrat nunc tantum aurula nares.
Tum, displosa sonat quantum vesica, pepedit
Cruribus elatis. Neq; enim jam curo, quod iste
Mundulus oggannit, fronti periisse pudorem.

Tem-

Temporibus servire licet. do rustica ruri:
Civica do civi. si risus, rideo & ipse:
Lugeo, si luctus: si BACCHANALIA, bacchor.
Phy! Eleleu! Eleleu! heu hoë, heu hoë boatu
Infremuere omnes: multumq; obscena precando
Omnes interficiunt ringenti nare Lupercum,
Tornatumq; opus haud spirans de messe Sabaa.
Nec mora: curvi in humum digitis rorantibus hauri-
Quod pastu satura postica per ostia vacca (unt
Dejiciunt (tax!) terra. It toto turbida caelo
Tempesta lutulenta, ac stercoris ingruit imber
Foetidus: incussi veluti cum putria quondam
Poma cadunt ramis, agitataq; ilice glandes.
Ille subiratus caligas fulcire laborat
Clunibus haerentes male; deproperatq; tenaci
Proxima quaq; dolans baculo: latumq; per agmen
Ardens limitem agit: laceransq; urente popellum
Verbere: non paucos flagris pregnantibus opplet.
Haud tulit ulterius Stiphelus tot iniqua patrantem,
Pagani Stiphelus juris scitissimus, ultor
Proludens iras obnixa murmure dentis
Profilit; Hem scelus importune hominis! tibi pestem!

E

Qua

Quà malè Tisiphone, quibus exagitare colubris,
Intantum ut grassere? Hoc dicto exsuscitat iras:
Ac pugno infringit colaphos. in fragma larva
Disiliunt. nudos hic ad spectacula vultus
Erigit, ac populo patet agnoscendus ab omni.
Exoritur risus, plaususq; per omnia vici
Compita: vox altum pulsat Cyclopica caelum.
Hunc pudor & bilis, mistoq; insania luctu
Turbat, & exstimulat latranti in corde furorem.
Involat in faciem falcatis unguibus ardens
Adversi Stipheli: Stiphelus non segnior, huius
Occupat os, irà ac pedibus surrectus in altum;
Impressoq; genu nitens, terra applicat ipsum
Turbidus, & lutea prostratum extendit arenà.
Hinc animum instigans, atq; addens viribus iras
Non requiem pugnis dat, ne pausam ictibus ullam;
Nec votis aures, fluidove irata cruori (pe, quod do:
Lumina: tantum hac, Hem nebulo, hem nequam acci.
Hem tibi adhuc unum, insuper unum; unum insuper
Atq; unum id semper duplicat cum foenore trino. (addo.
Sed tibi quid videor, capitalne, aut digna cothurno
Thespidis enarrare? Mane, mane: omnia nondum.

Non-



Nondum, quod caput est, audisti. Hic post quā ita cœsus,
Semianimisq; micat dissectis undiq; malis,
Vel Stuphelo miserandus; operuq; adposcit hianti
Gutture (nam elisi dentes saniesq; cruoris
Intercludebant animam vocisq; meatum)
Ferre nequit tantam placido vim pectore Epopeus,
Innatitans laxis coriis ocreatus Epopeus,
Dente crepans, oculisq; tremens, plenisq; minarum
Vultibus, e turbā perniciouser emicat ultor
Confecto pugnis socio; atq; istius utraq;
Raptat colla manu; tractatq; atq; impete prono
Illisum ad terram dat. Mox prorumpit Enipeus,
Mox Lycus ac Fronto, Colabiscus, Dotzer, et Henno,
Thesprio, Philolaches, & Stasimus atq; Danista,
Gumioq; & Lucumo, Salaputius & Salicippus
Subsidio sociis. Calidas crebescere rixas
Primitus audires consueta proœmia pugna.
Hinc fervore pari concurrunt, Hostis in hostem.
Nec socius socio dubiā nec amicus amico
Noscitur in turba: furor est idem omnibus. Ingens
It cœlo clamor. Neq; ferrum, sed vice teli
Sævit nuda manus: feriunt, plagasq; vicissim

Vultibus excipiunt. pauca sine vulnere mala:
Hic denasatus plorat: crassum ille cruorem
Multum ore eiecit, mistosq; in sanguine dentes:
Ore exossato hic nulli intellecta quiritat:
Dimidios videas toto certamine vultus,
Atq; alias solito facies, & hiantia ruptis
Labra genis, plenos oculorum sanguine pugnos.
Hic ad humum datus exanimis propè, reptat arena:
Hic remeat tumido non observandus herileis
Ore domos: alter pugnis laceratus adorat,
Quattuor ut liceat cum dentibus inde reverti.
Immodicis reliqui stant ictibus externati.

” Vsq; adeo perpes nihil est! inopina nec ullam
” Fata voluptatem liquidam puramq; relinquunt!

Rus male compositum. linquo pagiq; tumultus,
Dum naso integro, dum salvis dentibus ire
Et licet & tutum est. Chirurghi cetera sunt
Et vespillonum. Nos hinc properamus ad urbem,
Urbem murorum solidam compagine tutam.

Huc ades, huc Lenae pater: carchesia succi
Funde tui vatiq; tuo vatisq; columbis:
Namq; vides, ut hient! Dum PACCHANALIA carptim

Civica

Civica in angustum verborum involvo rotatum.

Sol ubi serus obit, declinatoq; subintrat
Hesperium temone fretum, curruq; veredos
Eximit emeritos: Et pone vicaria prestat
Munia luce nothâ bijugis vaga Cynthia mulis:
Urbicola tandem sua BACCHANALIA vivunt.
Quamquam etiam heic sua non desunt ludicra diei.
Namq; ubi mane novo paulum lucefcere cœlum
Primitus occipit; non sol tamen inficit orbem
Lucis adhuc radiis: intrantes balnea, membris
Sudorem eliciunt, lymphâq; calente lavantur:
Cui vis, nescio qua, magica occultata putatur!

Deinde ubi jam medius tennes sol cōtrahit umbras,
Inq; pari spacio distant propè vesper Et ortus;
Indulgere sibi varios pro-tempore lusûs
Sub dio videas, varioq; exercita nisu
Corpora jam implicitis per mutua vincula dextris
Se ritu Saliûm erranti referuntq; feruntq;
Turbinè cedentem jam findunt aëra disco.
Iam torto in gyrum revolvibile verbere buxum
Impellunt urbem privata vel atria circum.
Iam veri simulacra cient mentia duelli.

E 3

Iamq;

Jamq; pila expulsim jam raptim ludere cura est.
Iam trabea effeduloq; ruunt per aperta viarum,
Aut freta consolidata gelu, glaciemq; coactam.
Sape rari volupe est salebrofa per invia multis
Carpento, bipedum quod anhelò nisu asinorum
Longa catenatis tractet compago lacertis;
Evoè Bacche fremens. soli tibi, Thyrsiger, aptum
Vociferans. Traheas clivosa per ardua multi
Subducunt, in iisq; sedent: dein alite lapsu
Præcipites ruere & sola lubrica radere certant
Vix leviter nive libatâ: falluntq; sequentum
Cursu oculos: ut saxa jugis abrupta, quibus mons
Subtrahitur, clivoq; latus pendente recedit,
Atq; ora adstantium fraudat vehemente rotatu.
Hoc atq; huic, quæ cuiq; sagax natura ministrat,
Consimili studio frangunt curamq; diemq;
Quamprimum verò caput extulit umbriferum
Lautitiasq; gula, & ventri indulgere placentas, (nox;
Semisum leporem, atq; aliquid de clunibus apri,
Lanta animalis apri propter convivia nati:
Fecundoq; alacres generosi munere Bacchi
Diffudere animos, lati solemnia Festi

Argu.

Argumenta sonant per tecta, per atria. Res heic
Commemoranda novis annalibus atq; recenti
Historia se offert. Et vix sit eatenus ulli
Credere, ni pro me dubii Experientia victrix
Diceret, Hoc verum est: experio credite, qui non
Accepit fando hac, vani aut rumoris abusu:
Verum in re presenti oculatus testis Et autor.
De larvis prima est, de habitu altera quaestio, numis.
Tertia: consuetum post captant ludere ludum.
Mille modis variant, Et formis mille: dat ipsa
Copia me dubium dicturum, hasq; induituri
Incertat suspensum animum: oblatiq; duabus
Nescit utram potius velit, Et velle ardet utramq;
Personam capit hic similem, quem tempore multo
Languor habet pallens, Et querquera febris adurit;
Hic sculptam infabre, deformatamq;, nec ipsis
Manibus absimilem spectris, qua nocte videri
Creduntur vulgo: fucato hic polline pictam:
Alter inaurata statuâ rutulantior exit:
Mirificum dictu, sed mirificum magè visu.
Hic patis oculis, distorto hic nare: colore hic,
Qui color infectis adversi solis ab ictu

E 4

Nubi

Nubibus est: Mauros hic reffert ore; cycneas
Hic plumas albore prait; pice nigrior ille est.
Hic facili prae se declarat gaudia vultu:
Ille exspirantis praeportat pectoris iras:
Hic trahit harentes, hic arte cacuminat aures.
Hic alio larvatus, Et hic alio ora praeoptat
Esse modo. turpe est dictu, sed turpior omni
Carminis persona est: crucis ut signacula diris
Objicere omnibus properet forte obvius illi;
Multumq; execrans jubeat stupido oris hiatu
Ire, fatigatas quò Dædalus exsuis alas.

Hinc sua carbasseis involvunt corpora velis:
Seseq; abscondunt, qui cuiq; arridet, amictu.
Ex oculis alias hominum, atq; usu ante remoto;
Sapeq; circum circa extremo margine limbis
Stramineis, aut versicoloribus intertexto;
Reddat ut insolito mirantem more popellum.

Deinde rotundatas argenti protinus offas,
Concisumq; aurum in titulos faciesq; minutas
Aut chartâ aut aliis obnubunt partibus: Hinc se
Dant foris: insequitur longus thyasus fatuorum:
Aut certè fatui parteis numerosq; tuentes;

Mille

Mille cicatricum vestiti ac mille colorum
Induviis, centum crotalis hinc inde revinctis.

Amplificè incedunt, ac lunà teste feruntur
Urbis per vicos: perq̄ omnia compita motu
Grassantur tacito: veluti fanaticus cestro
Percussus, Bellona tuo, stimulisve Lyai.

Nil aequale illis: currunt persapè, velut qui
Latronis sicam fugeret: persapè, velut qui
Portaret sacra Iunonis: gressuq̄ moventur
Spondeos imitante pedes: habitumq̄ superbi
Quassando undantem faciunt subeuntibus auris.

Quis moderet risum mento sapiente magister?

Turmatim inde domos, tanquam ad vivaria currunt.

Interdum è numero quidam præferre jubetur
Arte rotundatas, constructas arte placentas;
Examen quasi apum tumidà confederit uvà
Stipite ramoso. Admissos conclavibus infans
In gremio matris formidat pallidus; inq̄ hos
Obliquat plorans trepidantia lumina. At illi,
Aut unus saltem ex illis, una sive duasve
Profert tessellas; argentum ponit, herumq̄
Provocat in ludum vultuq̄ manuq̄ loquaci.

F

Nam

Nam tacito heic opus est: nec fas sua sensa profari,
Nec facere ullius indicium de nomine, ne de
Aere sub obtentu: sed magna libido tacendi
Omnibus: inq; vices mutam clauso ore loquellam
Compositis conferre notis heic cura sit una:
Si tamen hinc tollas mum mum. Nam dicere mum
Et licet, & ludo vox est solemnis in isto. (mum)
Nec quoq; contingi patitur se luminis usu
Ullus: per corii patulum larvalis hiatum
Pro se quisq; bibit comeditq; merumq; cibumq;
Panem sui oblitus, quod primum panem referri
Dignum erat. Inprimis, per totum janua lusum
Ut stet aperta, opus est cauto: si claudtiur, omne
Depositum mox cedit hero, vel iudice BACCHO.
Iccircò hanc laxant: observatorq; locatur
Intentus custos: qui, ne sint otia, telo
Arcuq; effundit paleas a fruge solutas
In praehens famulare genus cum pulvere denso.
Hoc quoq; pra reliquis penitus curare necessum est,
Ne forte in mensa quicquam de pane relinquant.
Illi instant, seq; emungunt per mutua numis:
Ingeniosè. adstat miratrix turba. sed haec lex

Ludendi

Ludendi ratio est: Primus jactat advena talum,
Verum haud in mensam, sed quod pede subjacet imo:
Senio si steterit, capiet quoque senio victor
Depositum, si jactus erit. Si Chius; & hic est
Victor, si jactus fuerit. Sic Cons; & omnes
Ordine lucrantur pretium, si talus eodem
Quo steterat primum vultu stat. Sponsio enim illi,
Punctorum numero qui vincit, cedere non vult.
Quamquam etiam heic nulli certabo procatior: omni
Mos suus est terra: sua cuique insania genti.

Heic aliquis, dexter steterat cui senio nunquam,
Sed semper positos damnosa canicula numos
Raserat: iratum clam quid sub pectore latrans
Fortunam impugnare Deam, argentoque subactam
Ad genii trahere arbitrium. in jactum ampliter unum
Committit Sorti servandum in saecula censum.
Ecce, viri in te si quid, ait, contende: mea jam
Stultitiam patiantur opes. Stat plura lucrari,
Aut, quod adest, facere, ut ne adsit. sic saepe videre est,
Momento perdi, quod non acquiritur anno.

Cras ubi bacehandi paululum deserbuit aestus,
Angit sese animi, tot conturbasse bonorum:

F 2 Devo.

Devovet & ludum; cumq; omnibus intestinis
Ejurat BACCHUM: & servandi prodiga numi
Omnibus eradi vult BACCHANALIA fastis.

At non interea reliquis sunt otia. vino
Se lautè invitant. labor est, deponere plures
Posse mero: & cyathis madidam producere noctem.
Non heic, quod satis est, sed amystide vina bibuntur,
Deposito tanquam pretio. Gregis hui fortissime nostri
Hector, ait quidam, ingentem propino trientem
Hunc tibi ductu uno evacuandum. Hui prosi, Achil.
Hic ait, & magnâ contestans voce trientem (les,
Sacrilego vocat ore deos, quando hausserit urnam,
Cervicem trahit inflexam: mox frustra cruento
Pulmenti commista mero sanienq; vicissim
Largo eructat gurgite: tanquam in dolia longus
Deciderit serpens. rivi tabulâq; soloq;
Deproperant. surgit foetentum fluctus odorum.
Rident consortes. Hem spectaclum herclè bibonis
Scilicet! infirmi est opus hoc animiq; minuti.
Princeps larco alias potatorum omnium ubiq;
Vis esse, & non es. velut is, quem dicere nolo,
De grege ronchi crepim, sua qui collaria cirris

Carba-

Carbaseis unus vult Franco ostendere caelo.

Bellus verò homo tu, quem pictum prater Apellis

Edat nulla manus; Lysippi ducat in aere!

Despumare nequis tantillum ventre falerni.

Heic animis audax; heic murus abeneus esto,

Non timuisse virum, nullo pallefcere poclo.

Sed me fortè jubes audire, quod objiciunt nunc;

Tu nihil invito potes comedasve palato: Et,

Invitum qui potat idem facit exsiccanti:

Si, quantum cuperem, possem quoq;: sed neq; magnum

Craterem venter recipit meus; omnia parva.

Esto: verum audi; Multum condiscitur usu.

Nemo adeò siccus, qui non humescere possit,

Si modò potanti patientia commodet ora.

Nocturnum potate merum, potate diurnum:

Occupet ignavum scabies. sic postmodò demùm

Vobis notitiam, vobis dabit ore rotundo

Evacuare merum BACCHUS. sic deniq; verè

Pocula pota placent, deciesq; epota placebunt.

Nil est, quod dicunt heic centuria seniorum;

Sumite craterem, si qui potabitis, equum

Faucibus: Et versate prius, quid ferre recusset,

F 3 Quid

„ Quid valeat stomachus : Cui pocula sumpta potenter,
„ Nec gula, nec venter, neq³ deseret halitus illum.

„ Nuga! Quin, si quid monitoris egebitis, O vos
„ Teutonicus sanguis, juvenem reprehendite, quem non
„ Multa dies & multa taberna frequentat : & urnam
„ Perfectum decies qui non epotat ad unguem.

„ Olim erat hoc, Iuvenes parvo potare culullo;
„ Et, quantum sat erat, genio donare. Sed olim
„ Hoc fuit : hac alios poscunt sibi tempora mores.

„ Ut gentes verbis longos mutantur in annos,
„ Prima cadunt : ita potandi vetus interit usus :
„ Et juvenum ritu floret modo natus ; ut est mos,
„ Quem penes arbitrium est & vis & norma bibendi :

„ Ergò continuo sic colligitote ; sub auro hoc,
„ Aut potare volunt aut dormire juvenis,
„ Aut simul & jucunda & idonea querere ventri.
„ Quicumq³ à more hoc male concors discrepat ; inflet
„ Huic merito buccas iratus Iupiter ambas ;
„ Huncq³ Lycambeo lacerent latrante Poëta.

„ Inquis, dividuum facito : Tu dimidiatum
„ Hauri, ego quod reliquum, sic nã possum esse bibendo ?
„ Non pudeat te, dimidiare viruncule ? clamant :

Perge

Perge ad gymnasium muliebre: ibi dimidiatis
Pitissare licet pocillis vinula. non heic
Non satis est, pateram quocunq; educere pacto: 23
Quam si dispenses, qui vis epotet eandem 25
Vel levis è trivio sit pumilus. Hic vir apud nos
Omne tulit punctum, qui pocula maxima potat. 27
In quis, Nec vinum ipse merum, crucium neq; poto,
Quod subtile mihi solet exsurdare palatum;
Sed magè restinctum lymphà placet? ilicet audis;
Potori bibulo crateres hospes inaneis 29
Ponere si velit: aut species confundere plures 31
Undiq; collatis succis: ut nequiter undam 33
Miscet in Bacchum purà de vite creatum: 35
Spectatum admissus potor colaphosne teneret? 37
Vivendi rectè, bibere, est & principium & fons: 39
Hoc tibi Teutonici poterunt ostendere mores:— 41
Poclaq; provisum ventrem haud invita sequuntur. 43
Quicquid potabis, fac sis brevis: ut citò potum 45
Percipiant socii; craterq; recurrat ad imos. 47
Omnis potanti gravis est mora; qualis amanti.
Quid tibi de tali ritu, Taubmanne, videtur?
Rides? ergò bonus? fortassis! sed mihi nuper

F 4

Nescio



Nescio quis (fidei locuples homo, sat scio) dixit,
Qua quasi per nebulam memini me audire: quod horū
Nemo heres cœli fiat post fata, sed Orci:
Quò Styx & Phlegethon his perpetue more bibantur.
Nam fama est, sterileis Bacchi lymphæq; polorum
Esse domos. Iccircò siti ne turba bibacum
Fortè laborarent, provi sum est cœlitus, ut post
Mortem etiam plenos semper crateras haberent.
Usq; adeò curant Dī, ne quis lurco sitiret!

Bacchus ut inflavit venas: ubi sunt duo Franci
Degeneres isti? clamant: qui solis utramq;
Compleverè domum: versu hic, ille arte medendi:
Quos natis exempla solent monstrare parentes.
Hi sunt, qui bellum indicunt potoribus: hi (si
Dis placet) orbe docent alios inolescere mores:
Hi sunt, queis tereti lucens amethystus in auro
Incendit digitos insignia fœderis icti
Contra lurcones, comedones, ventris alumnos.

Rideo. sed risus heic causam dicere non est:
Ne voret os alapas. nocet inter pocula verum.

Hospes, si me audis, aliquid super addo, cui ipse
Intereram nuper. Quidam sibi sapius esse

Tres

Tres optat ventres, quemq̄, amplum quatuor ulnas :
Scilicet ut decies solitum exsorberet : Et ut se
Uno non esset sub sole capacior alter
Heluo. quò possit famà clarèere ; sibiq̄
Victori statui devicta ob poela trophaum.
Collisis alius vitris ita vescitur ; ut vix
Abstineas, quin me dicas mentirier. Alter
Per fractas portans vulsam de sede fenestras
Fornacem deturbat. In os convicia jactat
Consorti hic : subito est scelerum sartorq̄, satorq̄,
Perfidia columnen, sacer, execrabilis ; ac si
Minxerit in cineres H E M P E L I ; qui modò amicus.
Hic gremium famula scrutatur, Et oscula pangit :
Nescio quod legit alter olus. Si ! cetera dicam
Cras, ubi tempus erit. nunc audi, quid crepet alter
Lurco, sua forma multo qui mortuus haustu
Larvali facie est, ac Morti panè gemellus.
Heus, inquit, Juvenis : potorum te ipse minorum ”
Excerpas numero. Ne, lentè invergere poclum, ”
Dixeris esse satis. Nec, si quis potet, uti nunc, ”
Ebriolis propiora, putes hunc esse bibonem. ”
Quem rapit huc Genius ; cui venter avarior, atq̄ Os ”
G Magna

„ Magna voraturum, des nominis hujus honorem.
„ Tu quemcunq; tibi quis propinaverit haustum,
„ Promtâ sume manu: nec pocula differ in horas.
„ Et quocunq; loco fueris, potasse libenter
„ Et multum, dicas. semperq; ita collige tecum;
„ Tunc mea res agitur, calicem cum proximus haurit:
„ Nec semel epotum fugit irrevocabile poculum;
„ Sed redit usq; ad me. Perrarò hæc alea fallit.
Maectè insta cyathis, atq; haustus haustibus adde.
Si foris ad cenam condixeris, ibis: & ibis
Primitus accubitum, calices clude minores,
Si qui stant. Magnos dic, Hospes, pone culillos:
Huic faciem pallor vertat licet. omnia causâ
Dicere ridiculi similes: in seria risum
Hunc hospes vertet; cyathosq; capacibus urnis
Illicò mutabit. Consorteis incipe verbis
Hortari, possint qua mentem abstemio & ipsi
Addere. Nec calices bibet tot, quot ego sumus ac tu,
Ut medici, & natus Potinnâ quisquis iniquâ est.
Nec bibito ad certos numerosve vicesve: vel hoc si
Feceris, antiqui notos bibe Nestoris annos,
Fias Methusalah per pocula pota. Tuumq;

Die

Dic bene consortem, bene te, bene me, bene BACCHUM:
Quicquid et è genere hoc potorum est, dic bene. quin &
Singula verba sonent absentis nomen amica:

Aude aliquid multis pateris & Osyride dignum, 39

Si vis esse aliquid: parcus laudatur, & ariet. 39

Nec facile epotant, quorum conatibus obstat 39

Faux angusta gula. proin tu compage soluta 39

Gutturis accessus amplo laxabis hiatu. 39

Omnis enim bibulus tanto concinnius in se 39

Flumen habet, quanto majus, quo potit at, os est. 39

Omniò miserum est, vinci potoribus. omneis 39

Qui domat, hictalos à vertice pulcer adimos, 39

Et virgà dignus, sed quorsum hac? virgine, dicam. 39

Nec tibi potus erit, qui recto insistere t alo 39

Audet adhuc, nomenq, suum qui novit: & aquo 39

Calce pavimentum metatur. BACCHE, quid ultra 39

Adjicio? mussas? verbum non amplius addam: 39

Phy! Eleleu! Eleleu! heu hoë heu hoë boabo: 39

Tantum Eleleu Eleleu heu hoë heu hoë boabo.

Ludere tantum habui. diludia ludius opto.

Bacchari si quid novisti rectius istis,

Baccheris: si non, mecum bacchabere LCETOR,

C 2 Quem



QVEM HEIC QVO QVE IN PROSA VI-
sum est alloqui, ut prius in versu, ex meo namq; ingenio
judico ceterorum. Tu si haec scripsisses; nescio, an te non
causas poscerem: qui me fortassis nunc easdem: quas
dicam tibi; sed breviter, sed in partem. Annos ab hinc
factum est quinq; ferè, postquam haec Martinalia scri-
psi cum Bacchanaliis: atq; admodum adolescens, adhuc in schola (quam vo-
cant) triviali: & ut plurimū in febrī, ita dico, In febrī, quei enim otium il-
lud laboriosum pulcrius eluderem, quā curā hac non cura? Phœnius olim
cantor varietate vocis morbis medebatur: idē ego heic quaesivi, pari animo:
an pari successu, haut scio. Vos scitis amiculi, qui huius studii fuistis conse-
cranei, & verè fuistis, hodie enim ubi te esse dicam gentium, COLERE,
qui mihi oculus eras? ubi te G. MARI? ubi te REINMANNE? ubi te
autem CHYTR.? aeternum mihi salvete, lectissima anima. & si Lusus
nostri ad vos etiam pervenerint, (quod tamen vix ausim sperare) nolite
quæso duriores in eos esse, quā eratis olim, quum istos vobis recitarem.
Sed ad te redeo Lector, volebam etiam liberali hoc Lusu ingenium excitare:
& in hac palaestra ventilare prius, dein velitari: donec ad veram seriamq;
pugnam armis decretoriis, pro loco, pro atate, transirem. Gallina ova quæ-
dam subventanea edunt, (Lipsius ita loquitur) paritura mox vera? & non
interdum fas, præsertim iuvenulis, ingenii aliquem inanem foetum? At
hunc in vulgus dare non oportuit! haud negaverim, mi Lector: & fortasse
melius fuerit. Sed sunt mihi causas, aut certè videntur: quas si iuxta me-
cum scires, non dubito, quin hoc consilium tuo etiam calculo munires, neq;
dicam, quod pleriq; omnes vulgò dicunt, Amici persuaserunt; quanquam
illi mihi (verè ita loquor) non tam persuaserunt, quā reluctanti expres-
serunt. Ex quibus tamen unam habe. Postquam variè domi forisq; lusi
hactenus, funem hunc tandem incidere, & auleo sublato scenam istam
ludicram deserere cogito. Produxi igitur pœticum hunc Martinum cum
suo collega; qui, ut cantores Flacci, Plaudite, dicant. Ceteras non attin-
gam

gam quidem. & cui etiam bono? Sed quòd huic NOBILI TRIGAE, cae-
teroq; è iuventute lectissimo CONSORTIO, quos supra nominatim ada-
signavi, Lusum hunc posteriorem dicaverim; fecit privatim meus in illos
adfectus: publicè, morum doctrinaq; liberalitas, qua se jampridem doctis
bonisq; commendant. Nam vide mihi NOBILES illos: Ita se litteris
dedunt, ac si per eas nobilitari primum vellent: ita humanitatem colunt,
ac si de nobis essent. Vide jam reliquos: ii verò sic in artium virtutumq;
cultu laborant, ac si privatam fortunam superare inter se consenserint. Ego
quidem in hoc Lusu rideo; sed profectò, si propius audias, risum non-risum.
sic nempè Democritus olim ridebat: immò sic Aristoxenus, sic Clazome-
nius mærebat: sic nobilis Heracleitus flebat. Et sic hodie etiam potationes,
amationes & res plerumq; turpículas in Comædiis cum plausu spectamus.
Neq; sanè alio consilio nostrum Lusum Nobiliss. huic & ornatiss. Consortio
destinavi, nec dubium est mihi, quin eo animo sint illum habituri, quo ego
haberem, si alijs quis mihi dicasset; Credo etiã tu Lector, De facie porrò &
cultu huius quid anxie sollicitè? ut olim a me domi comebatur, sic nunc
in publicum prodit, neq; enim consultum videbatur, nugarum hanc telam
cum cura retexere, qua opera pretium textori suo neutiquam reponit. Neq;
miror, si in multis tibi non fiat satis: mihi fortassis ipsi non in paucioribus.
qua tamen omnia nulli negotio, in hoc ætatis præcipuè flexu, quo iudicii
fortior maturitas, elegantius concinnare potuissim: si aut milium, quod
ajunt, terebrare, aut nebulas in pariete pictas illuminare voluissim. Phra-
sin item ex Plauto mutuatus sum interdum. Et factum hoc vidi, qui vitupe-
raret. Concoxissim hunc bolum, nisi bile polluisset alia. dicebat enim, Plautũ
non esse classicum testem è Latio, classicum autem? immò nec eruditum esse,
neq; adeo legi dignum. Serio loquor: videbatur mihi dicere, Mentiris
Varro, qui Musas Plautino sermone locutas ais. Et hic est Varro ille, quo
nemo unquam doctior, ne apud Græcos quidem, nedum apud Latinos: si fi-
des Lactantio si Tullio. Et principio fortassis, ut homini crederem, persua-
deri potuissim: sed postea, quum rescirem, Agellum & omnes Majorum

gentium ferè scriptores uno ore Plautum appellare Parentem & Princi-
pem in omni Latina elegantia; auditor tantum eram, non auscultator.
Cur enim facerem tam illiberale divortium ab omni doctorum consensu?
quod nemo facit, nisi qui Plautum nunquam legit; aut Atticissimos eius non
magis intellexit, quam Milphio Pœnulum Plauti, si legit. Ego quidem,
quicquid in Latio novi (quod sanè perexiguum est) huic uni iure quo-
dam adscribo. Sic tamen nihilominus semper censebam hætenus, Plau-
tum esse, non loci cuiusvis, non ætatis, non ingenii: bonoq; ac maturo iudicio
docendum omninò ac discendum. Nota Iuventus, nota: nam hæc peccari
video, atq; ut mea ipsius, quod aiunt, vineta cadam, (Amicus enim alter
ego) novi adolescentem, immò iam panè virum, qui de complexu meo ac
sinu est: is in illo calore iuventutis rapiebatur nimis impotenter ad heroes
illos litterarum, puta Scaligeros, Lipsios, Melissos, Douzas et ceteros de horum
genere, qui Plautum ferè triumphant hodie, aut certè palmam eidem am-
biguam faciunt. Sed, ut ipse fatetur, (adsidet enim nunc mihi scribenti, di-
xisset panè, Tecum loquitur) suo malo. Et hæc ætate propior certè esset
puris illis animabus, si tam propè esse nolisset ætate aliena: & si non in
aditu Sapiëntie locatos putasset, qui sunt in adytis, sed accidit illi quod plerisq;
solet in adolescentia, ut videantur sibi multum videre, cum sæpè nihil vide-
ant. Et faciunt hæc in parte, quod imperiti pictores. Ut enim hi in facie ex-
primenda rugam, nevum, verrucam facile imitantur, indolè negligunt &
ipsum vultum: sic illi rara aut exstantia verba excerpunt, ingenium omit-
tunt & genium dictionis, ut scribit Lipsius: qui & in Comicis imitandis
hoc vult præcipuè caveri. Itcirco, mea iuventus, nolim te corpus tenerum
aggravare cibo tam solido, cui nondum es concoquendo. exortus hæc quidem
condimentis est se suaq; venditare, & Geometricam, quod dicitur, in cilio
exercere. Ut enim pumilio, licet in monte, magnus non est: ita doctiores
aut clariores nos non sumus, etiamsi principum istorum scripta legimus, si
ea non probè capimus, capere autem quei possumus, si nos iudicium destit-
uit? iudicii autem quæ potest esse maturitas, quæ firmitudo, in ætate non-
dum matura? profectò heroes illi siti sunt in litterarum quasi penetrati:
ad

ad quos accedant non nisi multum in omni doctrina exercitati. At o
Plaute, quò fers me extra oleas? redibo ad meum iter, immò ad tuum, mi
Lector. In Bacchanaliis versus aliquamulti leguntur, quos παρωδῶν in
scenam hanc ex Horatii Arte produxi: quàm bene ad rem, tu judicabis.
Interea tamen & hoc negatum non ibo, esse quadam in hoc Lusu neq; vul-
garis omnino palati, neq; publici prorsum saporis: immò quæ vel doctiores
confusè & oculo conturbato per lineam quasi nebulam, aut ventum texti-
lem (ut arbitratur Arbiter) videre possint. Verùm enim verò ut sit:
sive speciem habeant arridendam, sive irridendam: sive applausum, sive
explosum mereantur: seriò nihilominus testor, à me heic nihil positum,
quod non in electo aliquo Scriptore prius lectum. Sin verò in positu judi-
cium vacillasse dixeris, non equidem nega vero: immò factum alicubi, jam
nunc video. Et sanè aliam longè faciem pleraq; haberent, si nunc scri-
berem: si non ea scripsissem atate, qua interdum solemus adolescenturire
liberius: ut cum poeta loquar. Syllaba quoq; mensuram si alicubi in pro-
priis istis (ubi ratio non semper apparet) obliquo verberes oculo, facile
patiar: modò me non verberes, priusquam causam dixerim. Erit eti-
am nonnemo, qui à totos quadam posita clamabit: & iam nunc clamorem
hunc audio, etsi non audio. Quæso te, mi Lector, ne verbis meis men-
tem aliquam adfinge ex tua mente, præter meam mentem. Quando me
audires, rationem fortassis haberes. Si peccatum verò planè est, da illud,
quicquid erit, tue æquitati & homini adolescentulo: qui non tantum possua-
mus errare, sed debemus: quia homines sumus, quia homines adolescentes.
Sed quorsum ista tam multis? Anseres adfero, vel potius Columbas Tauba-
manianas, quæ si cui non sunt ad gustum & salivam, edat passerem. Immo
SOMNIA sunt: ne quis erret, non enim tunc in Atlantide eram insula,
ubi negantur somnia videri, sed in Franconia, cum hunc in modum inepti-
rem. Lector, vis tribus verbis? Reduxi Buttubattam Nævii, vis uno
Lusi, tu, nisi Heraclitus es, ride: & sicubi à me peccatum, pilam cape:
Ego (quod olim Lentulus fecisse dicitur) præbebo suram.

Tantum est.

TYPON

TYPOGRAPHE,

PROFECTO verum est, quod Varro ait, Pransum ac paratum esse hominem semper oportere, hoc in nobis experior domi, ne foris quæram. nam si minis nunc ego fuisset, ad me quum mittis, ut quas reliquiarum reliquias habeam, dum pralum fervet, properè properem; non esset, quod tu cum tuis ageretur, scilicet! Habete igitur etiam has Columbas. vos eas, dum dantur, dum calent, admordete, comedite; lixas, fixas, ut libitum fuerit; vel si crudas; ego non prohibuero.

AD. M. IOH. ORTELIVM,
quòd Bacchanalia promissa non miserim.

*Quæ memini, mora Iane mera est, eadem ipsa moneri.
Quod tibi promissum est criminis, id memini.
At scis, quid metuam? nocui res plena pericli est
Bacchus & irata Manades & Satyri.
His furiis Orteli initis: tibi rere locellum
Tantillum in tantà posse vacare domo?
Si sat consilii est in te tibi; consule. fatis
Pentheus atq; Orpheus dant documenta suis.
Aut vetus usurpem? Facile est promittere cui vis:
Promissum effectum reddere, difficile est.*

Ad

B.

VV.

F.

Quis

Quis nugivendus ille multo pessimus,
Rumoris auceps ille nequam pessimi,
Qui in hoc caput tam splendide mendax fuit:
Ut impudenter ore longe durimo
Sit ausus adfirmare, me paucillula
Hora unius mora, ruentis ingeni
Ferventiore Casti illius impetu
Vel 100. eoque plus, & ablecto styli
Sermone versus funditare? & in suam
Fidem citavit facta Baccho carmina,
Illosq; Martini Anseres. phy! pessimum!
Mendax homo iste, quisquis est: mendax homo.

Exesto quam longissime: exesto, inquo
Mos pessimus, mos bile dignus pessima,
Nostrisq; saeculi incommodum quam pessimum:
Dum quicquid in buccam venit, turpissime
Effutiant & exspuunt: & publico
Quammox fruisi plurium praconio
Exestuant: charta illinunt: typographis
Vel praestitutis aere, vel precario
Obtrudere haud verentur improbissime:
Ac nomen edificare falso hinc autumant

H

Sibi

Sibi: atq; in os venire, quantum est, omnium.

Sed cui bona hac cacata charta? Cui bono,
Nisi ut inquinet purumputum illum, & aureum
Et Atticum vetustioris saeculi
Lingua nitorem! ut litterarum primulo
Ab usque seminario nequissimas
Sordes Latinitatis istas contrahat
Incauta pubes: opprimatq; mordicus
Non eximendum saeculis vel omnibus.
Ut guttur infimum (usus hic potissimus)
Coinquinatum tergeat: tus vestiatur.

Quare obseres incontinens os: aut tibi
Ipse obserabo, Franconum vocans Cycnum
E myrtiletis, qui probe, testor iovem,
Os illud occillabit impudens tibi,
Os garriens, os dignum oleto rustico:
Ut enitescat universis, ipse quod
Sis nugivendus ille multo pessimus,
Rumoris auceps ille nequam pessimi.

Epitaphium

CANICVLAE.

Hae

Hæc ego, factorum de jure, LEUNCULUS illud
Delitium catuli, contumulabar humo.
Codula crispa mihi: cita cruscula: velleræ lacti
Æmula: colla meris luxuriosa jubeis,
Ponè nates cinni tubercula bina pilosi:
Iurares, caligas ista fuisse meas.
Cetera glaber eram: levisomnis, & utilis ædi
Noctis ad excubias rem speculabar Heri.
Lysimachi catulus, Meliteaq; cura Sabini,
Præ me, præ genio nomina vana meo.
Quisquis es, excelsas ne scande catelle fenestras:
Hinc mihi tam subiti causa caputq; mali.

In Plautum.

Ad

GEORG. SPECNERVM, Creusen.

ET Venere & Charisin & Musis natus iniquis,
Cui genius Plauti non sapit ad genium.
Ipsa adeo Musa Plauti sermone loquuntur.
O Umbri umbellam sit mihi posse sequi!
Hic Veneres habet omneis. miscet hic utile dulci:
Ausit & huic punctum quisq; negare suum?

H 2 Plautus

Plautus Musarum decima: & flos Atticus: idem
Sermonis Latii regula certa sui.
Hunc penitus solers adytis Sapientia clausum
Distinet. atq; animas huc vetat ire rudes.
Scaligeris, Lipsiis, Douzeis atq; Melissis
Ad gustum hic aliquid pinsere Pistor habet.
Sat nobis hujus pulvisculus esse farina
Creditur & Latia mica pusilla mole.
O studiis damnate puer, ne scena Terenti
Vilescat mundi simplicitate sui!
Nè prius hic animum coluit; me iudice, nusquam
In Plauti orchestrâ jure sedere potes.
COMÈ, Venus, Charites, Musæ; date lacteus imber
Supra umbras Umbri depluat uvidulas.

Ad
IOH. VV. v. clariss.
P. L.

Edepol argute! Siquid componere coner,
Sua viter adfectas lectum quod mulceat aureis,
Prurituq; animos titillet, & audiat Erge;
Marcus è trivis argui at verba petendum:
Et mihi nescio quid Nasonis gannit in aurem,

Publi-

PUBLICA FORMA placet sermonis. Publica quanam
Forma inquam, est hodie? Quam qui vis utimur. Ergo
Pullato è circo atq; olida pœdore culina
Post accersendum est & res & verba Pœtis,
Siqui lectores sibi demeruisse laborent.

Marcule, Ego abnorma sequar hac deliria secta?
Non tu non Pater ipse patratu id impetret à me.
Inestas frustra nostram his latratibus aurem.
Audio te tantum, sed verum ausculto peritos.

Siren Arpinas Cicero tibi semper in ore est.
Laudo. sed à scriptis cur tam procul exsulat? aut hoc
Cum Cicerone loqui est; Aliquot disquirere voces
Indice Nilolio, ac certo disponere nexu,
Tanquam tessellas, sine succo & sanguine? Non sic
Dico dicis causâ. multo pars maxima somno
Sunt in eo: peccantq; adeo, qui non ita peccant.

Marcule, Tene sexuar? nusquam. teris avia vero.

Præterea Volscè atq; Olsçè nos scribere clamat. ¶
Sed Volscum atq; Olsçum quid nominat? Omne, quod
Non intelligitur. Tulli, Maro, Plante, Lucreti, (ipsi
Nunc primum disco, Volscè vos scribere & Olsçè,

O anima pura! si non fastigia tantum

Ceu per transfennam, populari lumine limo;
Sed penitis oculos adytis paullo altius ausim
Insinuare: & non protrita expromere vulgo:
Ocyus audire est; PROCLANTI QVARIUS ESTO,
Qui casca ex opico Saturni podice ructas.
Pacuvii vomitus & jam demortua Matti,
Aut VERSE ARSE, à me tu quando? Scribere nolo,
Eja BONUS VESPER DOMINE HANS. sed scribo nec illud,
Præsul ut amptuat, inde & volgu' redandruat olli.
Has ego quisquilias & honore vocabula nullo
Versificatorum de fursure destino genii:
Hoc sibi qui reges, si turbida turba Tribuni
Plaudat & irrequieta senacula pumilionum.
Non mea tam vecors fabricavit corda Prometheus.
Sectari conor, magno licet intervallo,
Carminis artifices genii potioris alumnos.
Isti nempè FACEM PRAELVCENT tramite recto,
Consignantq; viam præscripta ad CANDIDA CALCIS.
De Plauto. hic à quo non vapulat Umber: & altà
Tractus ab orchestrà quas non damnatur ad umbras?
Varro Latinorum longè doctissimus olim
(Nomen ad auditum critici submitte fasces.)

Non

Non alio Musa, scribit, sermone loquuntur,
Præter Plautino. princeps & regula linguæ
Plautus erat Latia, siquid tibi cordis, Agelli, est.
Verum, ut nunc homines sunt: hic nil prorsus ad horis
Pinsere Pistor habet stomachum: rudis oncat a selli
In ritum: digitoq; nefas hunc tangere. quin &
Non rarò auriculas quosdam obturare videres
Illius ad vocem, ceu Seps ad murmura saga.

O genus! Anticyra nulli sanaberis, ut vel
Tres tantum ad numeros satyri moveare Bathilli!
Cincte pœtifici laurum VV...re MELISSI
Salve cum Modio. cum vulgo Marcule plora.

Ad
ANDREAM GEISLERVM
Brig. Siles.

Ad gustum negat esse sibi mea carmina Bucco.
Si negat ex animo, carmina nostra probat.
Hoc est, quod tanto semper quasivimus astu;
Iudicio vulgi NOLLE PLACERE. datum est.

Ad
ANDREAM SCHAFMANVM, Vuestph.
H 4 Nune

*Nunc est quarta dies, ex me quum quarit amicus,
Cur potius dicam Vitulo, quam Vitulo.
Vitulo cur etiam malim pra Vitulor. huic tum
Responsum tanta strennuitate dabam:
Ut de juraret, (pro Festo, somnia Pauli
Quando sibi toties imposuisse videt)
Se pra Scaligero posthac & codice Noni,
Credere nolle viro, credere nolle libro.*

Ad
MART. VVERNERVM.

*Marculus impegisse dicam mihi dicitur. An scis?
Quum facerem nuper lemmate forte meo;
Area concinnata probe est: ames exstat & auceps:
Ames dicendum, non ames (inquit) erat.
Iste Calepini testem sibi lexicon adfert;
Flacuum ego. jam dic tu, Plenior utra fides?*

Ad
VIT. ERASM. HOSMANVM.

*FRancus homo fertur nostros admittere versus.
Si verum est, digitis excute Terratuis.*

Instar

*Instar habere potest bic unicus omnium: Et uno hoc
Plus sum, quam quod me Marculus esse velit.*

Ad Marculum.

*Nempè joci caussa scribebam nuper ad oram
Versiculi, Semper-Taubman. tu Marcule, rides.
Nunc ego mutavi: si mutas tu quoq, ploras.*

Fr. Non-semper-Taubman.

Versus nuptus.

*Q*uid tibi? Lippe Falippe. meâ fruor (ecce!) puellâ.
Transiit in thalamos Phadria pacta meos.

Quòd facio Veneri, facio quòd ritè Diana:

Nil facit ad nasum, Lippe Falippe, tuum.

*Quòd mecum mea Virgo viret præ virgine laurû,
Virvidiusq, cedri germine: Lippe, nec hoc.*

Hæc in Francois mihi sola quòd apta puellis:

Digna quòd hæc genio sola reperta meo est:

Pompa quòd augustas quammox nos ducet ad aras:

Nil facit ad nasum, Lippe Falippe, tuum.

Quòd mihi delicias facit: uda quòd oscula pangit;

Huic quòd ego oppango basia: Lippe, nec hoc.

I Lippe

Lippe Falippe, nec hoc: ea liberiore quod usum
Serpit in amplexibus ambitiosa meos:
Inq; vicem amplexi quod & ipse & illa susurros
Edimus arguto murmure: Lippe, nec hoc.
Æquus amor quod utrosq; trahit: quod spiritus idem
Vernat in amborum sanguine: Lippe, nec hoc.
Hac mihi quod Juno est, ego quod sum Juppiter illi:
Huic ego quod Frater, quod Soror illa mihi:
Oggannis frustra. nihili compeste cavillos:
Nil facit ad nasum res ea, Lippe, tuum.
Me viso, in sese quod subsilit illa: quod in me
Cor micat ad vocem P H A E D R I A: Lippe, nec hoc.
Quod subit illa jugum sine murmure prompta maritum,
Vivit & arbitraris obsequiosa meis:
Iure bono ut possim petasonem tollere, longo
Teutona quem saclo Noridos aula tenet:

Respiciunt hæc ad parcemiam Francorum: Wer Herr ober sein
Weib ist/der hole den Bachen zu Nürnberg im Teutschen Hoff.

Hac facit ad nasum res, Lippe Falippe, tuum nil:
Protensus invidiæ tolle susurra tua.
Site fuste dolat, tua si facit uxor oletum:
Hoc facit ad nasum, Lippe Falippe, tuum.

I nunc

*I nunc & blatera, Taubmanno vindice; quoniam
Debeat in nostros ire puella toros.*

Ad

ALBUM AMICORUM.

HIC AGRILIBER INSTAR habet sub imagine parvâ,
Cultores fundi quarit uterq; sui.

Pulvinos habet & pressos Ager ordine sulcos:

Pulvinum & sulcum Pagina quaq; refert.

Cultor Agri liram ducto concinnat aratro:

Prestat idem calamo ducta litura tuo.

Seminio conspergit agri sola culta. minutas

Credam litterulas feminis esse notas.

Seligit ex reliquo florem modo farris accervo

Haud paleas; quoties annua rura serit:

Hujus in exemplum Cultor meus ire memento,

Chartea quum seris hac rura loquace sativâ.

Aurea Viruis, si quid dabis, horrea pande:

Quisquiliâs trivii fers mihi? nolo seri.

AT serue Agricola. qui severit optima, jure

Optimus exstructi Cultor habetur Agri.

I 2

Ad

Ad
PAuLLUM PRGOLDuM,
Der S. Br. d. mein leg. Amicum
veterem.

SCitam PAuLLE paras abitionem,
Et quam quisq₃ viator examussim
Natam diceret ambulationi,
Namq₃ Auctumnus opum ferax, adauctis
Hospites beat usque luculento.
Tunc curas edere est meas, Columbas:
Tunc turdos quoq₃ principes volucrum,
Clunatosq₃ lepuseulos. nec exest
Neptuni suboles salita, falsi
Inquam pisciculi. nec humor exest
Viteus sapidi saporis, almi
Auctumni suboles. ibi esitare est
Porcelli petasunculos: & horum
Siqua sunt potiora delicata
Scitamenta beatulis saliva.
Quin aer quoq₃ temperatus; & nec
Iusto caldior alsiorve: quorum
Hoc frigere nimis solemus, illa

Astive



*Æstivè nimium viaticari.
O iter sapienter auspicatum,
Autumno quod initur auctitanti!*

In
ALBUM AMICORUM
G. Fr. Vnf.

*VEROS querere tunc vis AMICOS?
O rem difficilem & periculosam!
I, incende tamen meridiano
Magnam Diogenis foro lucernam:
Et disquire labore diligenti:
Si possis reperire verum amicum.
Immo si reperis vel umbram amici,
Dic quaeso mihi. quaram & ipse: si fors
Inventus quoq; detur aut amicus,
Aut umbella ab amiculo. sat, o sat!
Res est usq; adeo laboriosa,
Verum si quis habere vult amicum:
Quin si umbram quis habere vult amici!*

Ad
Quendam Sodalem.

I 3 Si

SI desueta suis erit fructetis,
Atq; adsueta domos heriq; mores
Volpes: ingenium exsui ferinum,
Induitq; cicur: manusq; nota
Poppysmum patitur per os, per armos:
Et dat blanditias modò has modò illas,
Ad voces domini usq; ganniendo.

Nos, qui nobiliore mentis usu
Pollemus homines, Amice; tantà
Æstuabimus imbecillitate:
Ut nos non benè noscitemus? immò
Mutuis animis amemur? ut non
Mutuis animis amemus? immò
Adfectù de amemus insolenti,
Quantum qui penitis suum medullis
Aut fratrem aut patrem amavit unquam amatq;
Unà cum fuerimus, atq; easdem
Ædeis participavimus cibosq;
Sermonesq; jocosq; amiculosq;
Annos panè 10. decem inquo annos.

Ah, quàm nomina non inepta, si nos
TROIANI quoq; MILITES vocemur!

Ad



Ad
IAN. MELCHIOREM van-Rabenstein/
amicum Nobilem.

Quid tu miraris? bis dena vocabula & unum
Uno quòd potui cogere pentametro?
Crede mihi, non esse potest mirabile quicquam,
Si quisvis nostro de grege prestat idem.
Hoc mihi (qui polypi nunc sunt) mirabile demum est,
Si duo sunt adeò secum in amore pares:
Ut, licet absentes, verè sibi dicere possint:

Tu in me ita es, (hem!) in te ut
ego: & tam heic te amo
ego, ac tu ibi me heic.

HÆC OLIM FUERUNT,
mi Lector.

PROINDE si leges ea, semper tecum cogita: Si potuit
cum veniã laudare muscam Lucianus: stultitiã Erasmus:
calvitium Synesius: Quartanam Phavorinus: pulicem
Calcagninus: hoc est, Magni viri magnas nugas: mereri quo-
que veniam posse hominem adulescentem, qui animi causã
lusûs liberalis dedit, versusque pro ætate scripsit leviores &
qualeis-qualeis.

TAVBMAN.

№ 1996

8

U

ULB Halle 3
 002 063 808



nicht auf, da unvollst. u.
nicht zu ermitteln!

28 a / 50 1996

U B 17 M

DX

